

Gaemguenj Dazroen Daezsang Baenaj

履行管理职责, 提高教学质量

——Geiq Mungzgungh Yangh Cunghsinh Siujyoz Hong Guenjieix Cuengh Gun Song Saw Vah Sonhag

□ bonjbauq gicej Vangz Sinhyungz



▲ Hagdangz ciepbanh Cinzdangz Gih Cuengh Gun song saw vah lauxsae Sawcuengh gihcuj cihsiz beizyinbanh, cingj lauxhangz Sawcuengh hwnjdangz.

◀ 2013 nienz 8 nyied, Cinzdangz Gih 《Byauhcuinj Goq Sawcuengh》 beizyinbanh youq ndaw hagdangz banh.

Mungzgungh Yangh dwg Cinzdangz Gih caemh dwg Gveigangj Si aen yanghcin dog guh hong Sawcuengh haeuj hagdangz sawq-niemh ndeu, daj 1984 nienz 9 nyied hainduj youq Gujsanh Siujyoz guh Sawcuengh haeuj hagdangz sawq-niemh gvaqdaej, seizneix Cuengh Gun song saw vah sawqniemh hagdangz gaenq miz baenz 7 aen. Aenvih miz Cuengh Gun song saw vah sonhag le, baenzneix Mungzgungh Yangh Cunghsinh Siujyoz couh beij gij cunghsinh siujyoz aen yanghcin wng lai le faenh hong ndeu, couhwdg guenjieix sonyinx hong Cuengh Gun song saw vah sonhag, roengzrengz daezsang Cuengh Gun song saw vah sonhag sawqniemh hagdangz sonhag cizlieng, hawj gyoengqde aeundaej cingzcik maenhndei, youq Mbanjcuengh yaprongh.

Mungzgungh Yangh Cunghsinh Siujyoz dieg youq gwnzhaw yangh cwnghfuj capyouq haenx, cawz guh ndei hong sonhag hagdangz bonjfaenh le, lij aeu guh gij hong hagdangz guenjieix sonyinx, lauxsae beizyin, sonhag sonyinx 13 aen cunhvanziuj gungh 3676 boux hagseng 218 boux lauxsae ndaw yangh haenx dem, diuzrap naek-gywggywg.

Vih guh ndei gij hong guenjieix, sonhag sonyinx, aenban bouxdaez Mungzgungh Yangh Cunghsinh Siujyoz youq gak gaep gyauyuz bumwnz lingjdauj sonyinx lajde, ciuq hagdangz saedcaeq bae guh, laebhwnj laeb caezcienz gak cungj cidu, mingzbeig faen hong, gvicomz guenjieix, cawz cungsae sawqniemh hagdangz lingjdauj cungcaengz hawj hong sonhag guh ndaej saeqnaeh capsae le, lij cungfaen fazveih gij gyauyenzcuj gak aen hagdangz cozyung, anbaiz caeuq guh ndei hong sonhag nem gyauyenz, doengzseiz sien boiq gaeuq lauxsae hawj gij

sawqniemh hagdangz neix, baujcwng hong sonhag guh ndaej cingqciengz swnhleih. Youq gij giekdaj neix gwnzde, lij yungh gij banhfap "aeu gyauyenz coi sonhag, aeu doxdax coi hagsib" de bae doidoengh hong song saw vah sonhag, lumjbaenz cujcz lauxsae camgya "Guengjsae Siujyoz Cuengh Gun Song Saw Vah Sonhag Yenzgiu" (Gyauyuzbu cungdenj yenzgiu goqdaez) daengj goqdaez yenzgiu, banh Cuengh Gun song saw vah sonhag gwnzdangz sonhag doxdax, doengzseiz cujcz banh ndei hagseng boihdoeg doxdax, cozwvwnz Cuengh doxdax, sij ciu Sawcuengh doxdax, gangj gojgaeq Vahcuengh doxdax daengj lai cungj lai yiengh hozdung dem, dungyenz, cujcz daengxyoengq hagseng camgya, hawj lauxsae hagseng youq ndaw hozdung roxyiuj Sawcuengh, ndiepgyaez Sawcuengh. Vanzlij gujli lauxsae sij lunvwnz sonhag, sonyinx hagseng sij cozwvwnz, geiq hawj 《Gvangjsih Minzcuz Bau》 caeuq 《Sam Nyied Sam》 daengj bauganh, caemh aeundaej cingzcik ndei, dan 2012 nienz, Gujsanh, Gauhcanh, Lingzsw, Sanghlungz, Liusui 5 aen siujyoz neix couh miz 99 bien cozwvwnz Cuengh hagseng youq gwnz 《Gvangjsih Minzcuz Bau》daeng okdaej.

Doenghbi neix daej, Mungzgungh Yangh Cunghsinh Siujyoz guh ndei giva, baij yaucangj, gyaudauj cujyin, guzgan lauxsae bae camgya lauxsae beizyin hagsib, doengzseiz saedhengz lauxsae caeuq lauxsae "saefouh lwgsae" gap doiq doxbang doxhag, mboujduenh daezsang lauxsae gak fuengmienh suciz; lij ciengzseiz bae daengz gij sawqniemh hagdangz haenx cazyawj sonyinx guhhong, ca ndei lauxsae gihbwnj-gungh mulienh caeuq yezvu yenzdauj hagsib, hawj lauxsae yezvu naengzlig caeuq sonhag suiibingz ndaej daezsang. Daj 2006 nienz gvaqdaej, 7 aen hagdangz neix couh gonqlaeng

baij ok 650 lai vunzbaez camgya swcigih gaep hagdangz guenjieix, sonhag naengzlig, saenqsik gisuz daengj yezvu beizyin; 2013 nienz, daengx yangh Cuengh Gun song saw vah sonhag sawqniemh hagdangz gungh miz 13 boux guzgan lauxsae ndaej senj haeuj Gvangjsih 100 boux Cuengh Gun song saw vah sonhag lauxsae okmingz beizyangj gungh-cwngz beizyangj doiqsiengq bae. Gauhcanh Siujyoz lauxsae Veiz Cinhlanz ndaej bingz guh daengx guek mozfan lauxsae, daengx guek swhdwz senhein goyinz gvaq, caemhcaiyouq 2007 nienz ndaej najrongh dwk senj guh dangj raeuz cibcaet daih daiyauj, neix dwg Guengjsae cungh siujyoz boux lauxsae dog aeundaej gij mingzdaeuz miznaj neix.

Mizyauq bae guenjieix sonyinx caeuq lauxsae caezsim haenqrengz bae guh, hawj Mungzgungh Yangh hong Cuengh Gun song saw vah sonhag aeundaej cingzcik yienhda: Gyoengq bizyezswng camgya daengx Guengjsae Sawcuengh bizyez niemhing cingzcik cungj baiz youq baihnaj 23 aen sawqniemh yienhsi, gyauyuz sonhag cizlieng ndei gvaq doengzloih hagdangz ndaej baiz youq ndaw doih hagdangz senhein Cinzdangz Gih; Gujsanh Siujyoz gonqlaeng aeundaej "Daengx Guek Minzcuz Gyauyuz Senhein Cizdij", swcigih "Hong Sawcuengh Haeuj Hagdangz Sawqniemh Senhein Danhvei" daengj mingzdaeuz ndei. Geiq bi neix daej, Mungzgungh Yangh gyauyuz baiz youq ndaw doih 10 aen yanghcin gyauyuz senhein ndaw Gveigangj Si. Mungzgungh Yangh Cunghsinh Siujyoz caemh gonqlaeng aeundaej Cinzdangz Gih hong gyauyuz senhein danhvei, swhdwz gensez senhein cizdij, 2011 nienz ndaej bingzguh swcigih yivu gyauyuz hagdangz cangzgeivh guenjieix senhein hagdangz.



▲ Hagdangz moix bi cungj cujcz hagseng guh boihdoeg Sawcuengh doxdax.



▲ Yaucangj aenhag Giuh Fungh (boux gaem mbawgauj) bae Gujsanh Siujyoz cujcz ciuhai yozgih gyauyenz hozdung.



▲ Hagdangz moix bi cungj cujcz hagseng guh cozwvwnz Cuengh doxdax.



▲ Hagdangz cujcz lauxsae doxyaeng doxyau gingniemh Cuengh Gun song saw vah sonhag.



▲ Hagdangz guh ndei hong swnjcienz vwnzva maenhndei Boux-cuengh, cujcz hagseng camgya ciet fwen sam nyied sam yienjok.